

AROS, IN SAMEWERKING MET RAPPORT ONDERWYSFONDS EN PRETORIA FM, BIED AAN DIE

PRESTIGE- onderwysbeurs



AROS BIED

**DRIE
BEURSE**

TER WAARDE VAN
R250 000,00.

DIT SLUIT IN:

- ✓ ALLE STUDIEGELDE
- ✓ REGISTRASIEGELD
- ✓ ALLE VOORGESKREWE HANDBOEKE

BEURSE WORD TOEGEKEN IN:

- ✓ BEd in Grondslagfase
- ✓ BEd in Intermediêre Fase
- ✓ BEd in Senior Fase & V00

AANSOEKE OPEN
22 JULIE 2024

AANSOEKE SLUIT
31 OKTOBER 2024

DOEL

Die beurs het ten doel om drie top- presterende Afrikaanse studente die geleentheid te bied om sy/haar vierjaar-onderwysgraad by Aros **kosteloos** te voltooi.

WAARUIT BESTAAN DIE BEURS?

Aros, in samewerking met Pretoria FM en Rapport Onderwysfonds, bied aan drie verdienstelike studente die geleentheid om die Prestigeonderwys-studiebeurs vanaf 2025 vir 'n studietydperk van vier jaar by Aros te wen. Die beurse beloop R250 000,00 elk oor die vier jaar en sluit die volgende in:

- 'n ten volle betaalde BEd in Grondslagfase-graad, wat die volgende insluit:
 - alle studiegelde
 - registrasiegeld
 - alle voorgeskrewe handboeke
- 'n ten volle betaalde BEd in Intermediêre Fase-graad in een van twee vertakkings: Wiskunde en Natuurwetenskappe **of** Lewensvaardighede en Sosiale Wetenskappe. Hierby is die volgende ingesluit:
 - alle studiegelde
 - registrasiegeld
 - alle voorgeskrewe handboeke
- 'n ten volle betaalde BEd in Senior Fase en VOO-graad in een van die vier vertakkings: Natuurwetenskappe **of** Tale **of** Ekonomiese Bestuurswetenskappe **of** Verbruikerswetenskappe. Hierby is die volgende ingesluit:
 - alle studiegelde
 - registrasiegeld
 - alle voorgeskrewe handboeke

Aros sal 'n beurswenner vir elkeen van die bogenoemde grade aanwys.

PERSONE WAT MAG AANSOEK DOEN, IS:

- graad 12-leerders van 2024 met 'n gemiddeld van 75% en hoër; en
- persone tot en met die ouderdom van 21 wat reeds skool met 'n gemiddeld van 75% en hoër voltooi het.

TYDENS DIE BEOORDELING VAN DIE AANSOEKE SAL DIE VOLGENDE IN AANMERKING GENEEM WORD:

1. Akademie

- 1.1 Leerders wat tans in graad 12 is: Beide die graad 11- finale punte en Junie-eksamenpunte in graad 12 sal in aanmerking geneem word.
- 1.2 Voornemende studente wat reeds graad 12 voltooi het: Die graad 12- finale punte word in aanmerking geneem.

2. Deelname aan buitekurrikulêre aktiwiteite

- 2.1 Skool- en ander leierskapsposisies vanaf graad 8 tot graad 12
- 2.2 Sport- en kultuurdeelname vanaf graad 8 tot graad 12
- 2.3 Gemeenskapsdiens
- 2.4 Stokperdjies

3. Getuigskrif van die kerkleeraar

HOE OM AANSOEK TE DOEN:

- Doen aansoek op Aros se aanlyn aansoekportaal om in 2025 by Aros te studeer.
- Laai alle benodigde dokumentasie op u profiel.
- Betaal die aansoekgeld van R250,00.
- Voltooi die beurskompetisie-aansoekvorm op die aansoekportaal.

DOKUMENTASIE WAT VIR DIE INSKRYWING BENODIG WORD:

- Aros se aanlyn aansoekvorm
- die aanlyn aansoekvorm vir die Prestigeonderwys-studiebeurs
- gesertifiseerde graad 11-eindeksamenpunte en graad 12-Junie-eksamenpunte
- 'n getuigskrif vanaf die skool met alle buitekurrikulêre aktiwiteite daarop aangedui vanaf graad 8 tot graad 12 waarop die skool se stempel ook moet verskyn (Geen bykomende dokumente, bv. sertifikate, word benodig nie.)
- 'n getuigskrif vanaf die leraar van die kerk
- 'n matrieksertifikaat indien die aansoeker matriek voltooi het
- 'n gesertifiseerde afskrif van die aansoeker se identiteitsdokument (ID)
- **Dokumentasie, soos hier bo genoem, moet asb. per e-pos gestuur word na info@aros.ac.za met die aansoeker se naam en van in die onderwerpreël ná afloop van die aanlyn aansoek.**

AANSOEK- EN SLUITINGSDATUMS:

Beursaansoeke open: Maandag 22 Julie 2024.

Beursaansoeke sluit: Donderdag 31 Oktober 2024.

Die aankondiging van die beurswenner: Hou sosiale media dop.

BEPALINGS EN VOORWAARDES:

- Alle verdienstelike persone met 'n gemiddeld van 75% en hoër wat belangstel om hul roeping in die onderwys te vervul, kan aansoek doen.
- Die Prestigeonderwys-studiebeurs is beskikbaar vir een van die volgende kwalifikasies per graadfase:
 - BEd in Grondslagfase
 - BEd in Intermediêre Fase – Wiskunde en Natuurwetenskappe *OF*
 - BEd in Intermediêre Fase – Lewensvaardighede en Sosiale Wetenskappe
 - BEd in Senior Fase en VOO – Natuurwetenskappe *OF*
 - BEd in Senior Fase en VOO – Tale *OF*
 - BEd in Senior Fase en VOO – Ekonomiese Bestuurswetenskappe *OF*
 - BEd in Senior Fase en VOO – Verbruikerswetenskappe

- Die beursgeld word slegs aan studente toegeken wat vanaf 2025 ingeskryf is om by Aros te studeer.
- Rapport Onderwysfonds sal aan die naaswenner in die Intermediêre Fase en Senior Fase & VOO 'n rentevrye ROF-lening aanbied ter waarde van R40 000 elk vir jaar 1 van die naaswenner se studie (besoek www.rof.org.za vir inligting rakende die bepalings en voorwaardes van 'n rentevrye ROF-lening).
- Bepalings en voorwaardes van die beurskompetisie sal ook op die toestaan van 'n rentevrye ROF-lening van toepassing wees.

REËLS:

- Die reëls en inligting op hierdie kompetisieblad vorm deel van die bepalings en voorwaardes vir deelname en inskrywing.
- Deelname aan die kompetisie impliseer dat die kompetisie se bepalings, reëls en voorwaardes tesame met die spesifieke beursvoorwaardes en die Aros-studievereistes aanvaar word.
- Indien enige inligting op die aansoekvorm vals is of indien daar enige wanvoorstellings sou wees, sal die aansoek summier afgekeur word.
- Geen persoon wat by Aros, Pretoria FM of Rapport Onderwysfonds werksaam is, sal toegelaat word om aan die kompetisie deel te neem nie.
- Aros, Pretoria FM en Rapport Onderwysfonds behou die reg voor om 'n onderhoud, wat gepubliseer of uitgesaai mag word, met die wenner te voer, foto's te neem, ensovoorts.
- Deelname aan hierdie kompetisie dui daarop dat toestemming gegee word om deur Aros, Pretoria FM en Rapport Onderwysfonds gekontak te word.
- Vul asb. die aansoekvorm **volledig** in. Enige onvolledige aansoeke of addendums wat nie aangeheg is nie, kan tot gevolg hê dat die aansoek sonder enige kennisgewing afgekeur word. U gaan dus uself benadeel as inligting nie volledig deurgegee word nie.
- Beurs- en prysgeld mag nie oorgedra óf geskenk óf vir kontant omgeruil word nie.
- Beursgeld is slegs vir inskrywings gedurende 2024-vir-2025-studie.
- Alle deelnemers vrywaar Aros, Pretoria FM en Rapport Onderwysfonds van enige skade en/of koste voortspruitend uit eise deur deelnemers tydens hul deelname aan die kompetisie.
- Slegs een inskrywing per deelnemer sal voldoende wees.
- Die kompetisie sal vanaf 06:00 op 22 Julie 2024 tot 23:59 op 31 Oktober 2024 oop wees.
- Om vir die beurs in aanmerking te kom, mag u nie by 'n ander instelling studeer vir die tydperk van u studie nie; dus moet u vir die studietydperk by Aros studeer.
- Indien Aros, Pretoria FM en/of Rapport Onderwysfonds nie daarin slaag om die beurswenner binne twee werksdae ná die sluiting van die kompetisie telefonies te bereik nie, sal 'n ander wenner aangewys word.
- Die wenner van die Prestigeonderwys-studiebeurs sal via sosiale media aangekondig word.
- Aros, Pretoria FM en Rapport Onderwysfonds is nie aanspreeklik vir enige tegniese fout wat daartoe kan lei dat 'n inskrywing nie suksesvol ingedien word nie. Aros, Pretoria FM en Rapport Onderwysfonds aanvaar geen verantwoordelikheid vir inskrywings wat verlore raak, vertraag word of nie afgelewer word nie. 'n Stuurbewys ('n bewys van die e-pos wat gestuur is) is nie 'n bewys van ontvangs nie. 'n Inskrywer moet self ontvangs van sy/haar inskrywing bevestig.
- Die student is self verantwoordelik vir verblyf tydens sy/haar studie.
- Die student is self verantwoordelik vir vervoer tydens sy/haar studie.
- Die student is self vir koste buiten klaggeld, registrasiegeld en handboekgeld, soos per studiejaar deur Aros voorgeskryf, verantwoordelik.

- Die beurswenner moet toestem dat Studentesake, Akademiese Administrasie, Finansies, asook Bemaking & Kommunikasie hom/haar vir die monitering van sy/haar studie mag opvolg en kontak.
- Handboek aankope: Hierdie beurs sluit die aankoop van handboeke in vir die drie beurswenners, en bestellings hiervan sal deur Aros geadministreer word.
- Registrasiegeld per jaar: Geld word deur Aros se finansiële afdeling geadministreer.
- Studie moet binne vier jaar voltooi word. Die student moet gedurende die vier jaar deurgaans 'n gemiddelde persentasie van 65% behaal en mag ook geen vakke druip nie. Indien die beurshouer 'n vak druip of sy/haar jaar druip, verval die beurs. Die beurshouer sal ook verantwoordelik gehou word vir die terugbetaling van die studiebeurs se uitstaande bedrag vir die spesifieke jaar wat gedruip is.
- Indien 'n student na Aros vir kontaksessies, afsprake met dosente, ens. reis, sal die koste vir die student se eie rekening wees.
- Die aansoeker gee hiermee toestemming dat die akademiese uitslae by die aansoeker se skool/instelling direk deur Aros aangevra mag word.
- Daar sal van enige Aros-beurswenner verwag word om 'n skulderkenning in te vul alvorens so 'n beurs bekragtig word.
- Die beurswenner (tans in graad 12) word gekeur op grond van graad 11-punte en Junie-eksamenpunte.
- Voornemende studente wat reeds graad 12 voltooi het, sal op grond van hul graad 12-punte gekeur word.
- Geen korrespondensie sal gevoer word rakende die uitslag van enige aansoek nie.

NAVRAE

Navrae kan skriftelik aan info@aros.ac.za gerig word.